

治河全書

治河全書

卷之十一

徐屬黃河事宜

邳睢靈黃河事宜

宿遷黃河事宜

歸仁堤事宜

桃源黃河事宜

清河山陽安東三縣黃河事宜

江南徐州黃河事宜

徐州黃河南岸上自河南虞城縣交界起下至靈璧縣交界止計程二百六十里零北岸上自山東單縣交界起下至邳州交界止計程二百七十一里零設有徐屬河務同知管理修防其汛六在南岸曰碭山縣汛蕭縣汛徐州郭工汛徐州小店汛在北岸曰豐碭汛徐州大壩汛

碭山縣汛

自虞城縣交界起至蕭縣交界止縷堤長一萬四千四百一十七丈六尺計程八十里零

自虞城縣交界起至毛城舖止舊有縷堤長一萬五百六十丈八尺內近毛城舖小石閘一段長一千五百四十丈康熙二十三年修築

自毛城舖石閘起至蕭縣界止縷堤長三千八百五十六丈八尺康熙二十三年修築

毛城舖小石閘一座大石壩一座俱康熙三十三年建伏秋黃漲由此出小神湖康熙三十九四十年河身漸深水不過閘惟四十一年異漲之水出閘

定國寺舊險工一段今河勢北徙停修

定國寺月堤一道長一千九十丈康熙三十八年修築

蕭縣汛

自碭山縣交界起至徐州交界止縷堤長一萬一千六百八十九丈八尺計程六十五里康熙二十三年修築內有卑薄處三十八年又加幫

東鎮口格堤一道長八百六十四丈五尺康熙十九年創

築

查格堤北有大橫堤一道格堤南有小橫堤一道皆舊廢堤

徐州郭工汛

自蕭縣交界起至徐州三山頭止計程六十六里

自蕭縣交界起至徐州王家山止縷堤長三千四百五十八丈康熙二十三年修築內有卑薄處三十八年又加幫

王家山天然石閘一座康熙二十三年建以洩黃漲自三十九年至今河底漸深水不過閘

十八里屯東西兩頭各天然石閘一座康熙二十三年修築

自苗家山起至水電山止縷堤一道長一千五十丈康熙三十八年創築

自韓家山起至段家莊西頭止舊有民修堤一道長四百九十三丈康熙三十八年加幫

韓家山南山溝中舊有民築土堰一道長七十三丈康熙三十八年加幫

韓家山堤工因黃河上灣溜水南射逼近堤根內隣石狗湖地勢卑下最開緊要康熙三十九年創築月堤一道自楊家樓起至段家莊止長四百五丈以為重門之障段家莊舊險工一段康熙三十九年徐屬河務同知李梅捐俸募夫於對岸沙嘴挑挖引河大溜下徙今此工停

修

郭家嘴險工因黃水自西南直射北岸蘇家山觸激山根折奔南岸以致郭家嘴奶奶廟一帶正當大溜頂衝查歷年以來大溜或由奶奶廟之上或由奶奶廟之下忽東忽西遷徙無常康熙三十九年臣鵬翮勘閱形勢逼近徐城最為緊要

題請建修石岸一段長五百三十九丈三尺現在砌築四十年置鐵犀一座於堤上以鎮水

自雲龍山黃茆岡起至徐州西關街柵欄門止蘇堤一道

長六百三十八丈康熙三十八年修築

徐州舊有護城石岸一道長五百一十五丈康熙三十六年加高三尺六寸又擴軍牆南渡口一段長一十二丈九尺三十六年創砌

下洪奎山店堤一道長一百二十七丈嚮係民修其戩堤康熙三十七年幫築

查此堤外臨黃河內傍支河最為險要三十八年改挑支河二百丈

以保堤工

自七里溝接奎山店堤起至三山頭止遙堤一道長一千四百九十丈內接奎山店堤一段長二百二丈康熙三

十七年加幫又接奎山店堤截堤一段長二十九丈三十八年築又卑薄處三十八年加幫

徐州小店汛

自三山頭起至靈璧縣交界止縷堤長八千八百六十九尺計程四十九里三分康熙二十三年修築

潘家馬路歲修險工一段長六十四丈此工於康熙四十年間因對岸新生雞心灘大溜掃灣崖岸坍塌遂成險工

楊橫莊歲修險工一段長四百三十五丈埽臺長四百一

十四丈康熙三十七年加幫

楊橫莊挑水壩西雁翅歲修險工一段長四十二丈

楊橫莊月堤一道長三千四百三十六丈康熙三十一年

修築

曹家莊搶修險工一段長八十六丈

曹家莊月堤一道長四百六丈康熙三十八年創築

潘家馬路楊橫莊曹家莊三險工相連北岸沙嘴逼溜頂

衝康熙四十年內遵

旨取直於北岸開挖引河一道長一千八十丈引水東下以殺

其勢已經告成

楊家窪歲修險工一段長三百二十三丈埽臺長三百五

丈康熙三十六年加幫

楊家窪月堤一道長七百二十丈康熙三十八年創築

韓壩舊險工月堤一道長三百五十六丈康熙三十八年

修築

小店歲修險工一段長三百一十丈

查此險工自明至今不改

小店月堤二道上一道長三百九十丈康熙三十六年修

築下一道長三百六十丈三十六年因河勢下徙創築

自小店迤東起至靈璧縣界止有民築臨河子堤一道長四千五十三丈

豐碭汎

自單縣交界起至徐州李道華家樓止縷堤長一萬三千一百九十三丈二尺計程七十三里零

自單縣交界起至吳家寨止舊有民築縷堤一道長一千丈康熙三十八年加幫

自吳家寨起至李道華家樓止縷堤長一萬二千一百九十三丈二尺康熙二十三年修築三十八年加幫卑薄

處

吳家莊搶修險工一段長一百二十五丈五尺此工嚮係
歲修因康熙三十九年於上壩頭築迎水壩一座迎挑
水勢使大溜向南又於對岸挖去灘嘴以順其流險工
漸平四十年遂改為搶修

谷家莊歲修險工一段長一百八十五丈谷家莊即在吳
家莊之下康熙三十九年九月間全黃直射此工堤岸
坍塌一百七十餘丈危險異常將此工

題入歲修

吳家莊谷家莊險工相連康熙三十九年加幫埽臺長二百四十八丈三尺又築月堤一道長九百四十三丈

徐州大壩汛

自李道華家樓起至邳州交界止計程一百九十八里

自李道華家樓至蘇家山無堤之處計九十里蓋因黃河上游寬濶而徐城以下窄狹一遇大漲即難容受故從來不議築使漫溢之水從岡頭湖荆山口展轉入於運河也

自大谷山起至蘇家山止堤一道長四百四十七丈五寸

康熙三十八年修築內有大谷山石壩一座蘇家山石
閘一座俱二十三年建以洩黃水異漲

自陡山起至子房山止縷堤一道長一千三百一十五丈
康熙三十八年修築內有鎮口閘一座今沙淤

黃山口民築小堰一道長九十丈康熙三十八年加幫

自華家樓起至長山頭止民修堤一道長一千九百六十
丈康熙三十八年加幫卑薄處內狼矢溝歲修險工一
段長二百五丈

狼矢溝月堤一道長八百丈康熙二十五年修築

自關王廟起至大壩上壩頭止民修堤一道長五百九十

五丈

長樊大壩歲修險工一段長三百二十丈

查此險工自明至今不改

大壩險工舊有月堤一道長四百九十丈

自大壩尾起至王家山止民修堤一道長九百八十丈

自王家山起至出頭山止天生土壩一道長九十六丈

自九山起至出頭山止遙堤一道長一千六百八十九丈

為大壩險工重門之障康熙三十八年修築

自董家山起至盧家山止遙堤一道長一百八十二丈康熙

熙十九年創築

自盧家山起至邳州界止遙堤一道長一千四百八十二

丈康熙十九年創築

查盧家山一名龐家山因此山有龐盧二姓居之故名康熙十九年

築堤時誤以盧為陸今又名陸家山

附餘

徐古大彭氏國春秋為宋地戰國屬楚秦置彭城縣項

羽自立為西楚伯王都此漢曰徐州後因之所屬縣四

碭山蕭在河之南豐沛在河之北碭山春秋宋地戰國

楚滅宋屬楚秦置碭縣漢為梁國東漢為碭山蕭古蕭

國春秋為宋附庸戰國屬楚秦置蕭縣豐春秋屬宋戰國屬楚秦置豐縣沛春秋偃陽國地魯襄公十年晉滅偃陽以予宋秦置沛縣即漢高祖發跡處也

徐之水曰泗出山東泗水縣之陪尾山由沛縣至州城循城東南以達於淮昔周顯王時九鼎沒於泗水秦始皇過彭城欲出鼎使數千人入水求之不獲即其處也宋熙寧十年七月乙丑黃河大決於澶州曹村澶洲北流斷絕河道南徙東匯於梁山張澤澤分為二派一合南清河入淮一合北清河入海南清河者泗也此黃河

與泗合流之始潘季馴曰泗沂之水歷徐邳至清口而與淮會此夏禹時故道也自宋神宗十年黃河大決澶州北流斷絕河道南徙合泗沂而與淮會矣

黃樓在城東門上宋蘇軾建按蘇轍黃樓賦序曰熙寧十年七月乙丑河決於澶淵東流鉅野北溢於濟南溢於泗八月戊戌水及彭城余兄子瞻適為彭城守水未至使民具畚鍤蓄土石積芻茭完空隙穴以為備自戊戌至九月戊辰水及城下者二丈八尺兩晝夜不止子瞻衣褻履屨廬於城上調急走發禁卒以從事令民毋

得竊出以角率之城得不潰水既涸乃請增築徐城相
水之衝以堤防之於是即城之東門為大樓臺以黃土
曰土能勝水徐人相勸成之今城之東角尚有黃樓蓋
後人踵而為之然非其舊矣

蘇堤徐州誌載蘇軾禦水築東南長堤起戲馬臺屬於
城天啟甲子河決城潰堤僅存一線今土人所稱蘇堤
又在城西南自黃茅岡屬城西關與誌不同意當日水
消之後軾又嘗築堤為備而誌考之未詳與戲馬臺在
高數十仞廣袤數百步昔項利因山築臺以觀戲馬宋
武帝為宋公時在彭城九月九日出游戲馬臺是也

子房山一名雞鳴山城東二里相傳張子房隱於此宣
德間平江伯陳瑄作子房祠於上

徐有徐呂二洪古稱最險自永樂中陳瑄鑿洪通漕各
設分公司官治洪事至嘉靖間分公司主事陳穆陳洪範相
繼鑿石平之行者遂若履坦途矣

邳睢靈三州縣黃河事宜

黃河北岸上自徐州交界起下至宿遷縣交界直河口止
計程八十二里零係邳州境黃河南岸上自徐州交界起
下至睢寧縣交界衛工頭止計程二十二里零係靈壁縣
境上自靈壁縣交界衛工頭起下至宿遷縣交界古堤頭
止計程一百里零係睢寧縣境設有邳睢靈壁河務同知
一員管理修防其汛三曰靈壁縣汛睢寧縣汛邳州汛
靈壁縣汛

自徐州交界起至睢寧縣交界衛工頭止縷堤長三千九

百四十八丈康熙二十三年修築

自徐州交界撐堤起至龍虎山止臨河子堤一道長二千

六百八十四丈內接徐州子堤一段長七百七十四丈

係民築其一千九百一十丈康熙二十四年修築

查徐靈交

界處鱗堤與子堤不同鱗堤在謝家樓之西子堤在墨家口之西

墨家口工康熙三十年舊堤塌斷復築小堰猶恐卑薄不

足以捍禦口西有民築撐堤一道長一百一十六丈康

熙四十年令河兵加幫以防墨家口出水不致倒灌張

寒二堡

查張寒二堡即在謝家口地方
竄為窪下向來常常浸缺者也

睢寧縣汛

自衛工頭起至峰山四閘止縷堤長一千三百四十五丈
康熙十七年創築內自龍虎山至峰山共閘四座康熙
二十四年建以洩異漲之水流入孟山等湖

自峰山四閘起至武官營止縷堤長三千三百一十一丈

三尺康熙十七年創築

查上兩堤內有遙堤一道長三千二百五十丈今廢

武官營子堤長七百四大康熙二十四年舊縷堤塌斷復

創築

武官營大月堤一道長三千一百三十四丈康熙二十四

年修築

查康熙三十年間武官營險極曾於月堤之中又築重堰一道未竣向北岸沙灘開挖引河告

成河流北徙其工遂廢

自武官營起經朱家樓王家堂至余家堂止續堤長二千四百二十三丈康熙二十三年修築

朱家樓前格堤一道長五百三十五丈康熙二十四年創築

王家堂歲修險工一段長三百一十一丈五尺查此工康熙三十八年秋漫缺七十四丈經修官賠修至三十九年臣勘閱新堤卑薄

題明動帑重修仍令前官還項又撥令河兵於漫口西頭建挑水壩一座東頭建迎水壩一座不使水衝新堤又幫築兩壩埽壩共長五十五丈加寬二丈始足防禦

王家堂舊月堤一道長一千六百丈前被水衝殘康熙三十九年撥令河兵修築

自余家堂起至戴家樓止縷堤長一千九百丈康熙二十三年修築

戴家樓歲修險工一段長三百四十丈

戴家樓舊有月堤一道長五百九十三丈康熙三十八年

加幫北段二百二十五丈又另築南段長八百四十丈
未完工

自戴家樓起至韓家莊止縷堤長二千八十二丈康熙二
十二年修築

韓家莊月堤一道長一千一百一十丈康熙十七年創築
自韓家莊起至古堤頭宿遷縣界止縷堤長六千一百四
十一丈五尺康熙二十三年修築

邳州汛

自徐州界起至廟山止縷堤長二百二十三丈康熙十七

年創築

內有舊格堤一道

自綿山起至楊山止格堤一道長二百一十九丈康熙十

七年創築

馬家山格堤一道長一百九十五丈康熙十七年創築

自劉家寨起至劉家店止縷堤長三百四十丈康熙十七

年創築

自豐山起至青羊山止縷堤長一百八十三丈五尺康熙

十七年創築

自青羊山起至塘池舊遙堤中間止縷堤長一千八百六

十二丈康熙十七年創築

查自青羊山至舊遙堤頭有堤一道今廢

塘池搶修險工一段長九十一丈柳園頭搶修險工一段長七十四丈兩工相連共長一百六十五丈

塘池月堤一道長四百一丈康熙三十六年創築

自塘池起至羊山寺前止縷堤長四百九十二丈康熙十

七年修築

羊山寺前歲修險工一段長二百七十八丈

自舊遙堤中間起至羊山寺西止遙堤一道長五百二十

一丈康熙十七年創築

查羊山至半戈山有堤一道今廢

自羊山寺前起至董家堂頭壩止縷堤長一百一十四丈

康熙十七年修築

查羊山寺東有格堤一道格堤南頭又有橫堤一道今俱廢

自董家堂頭壩起至馬船幫止歲修險工一段長六百二

十一丈

自馬船幫起經宋家莊至五工頭止縷堤長一千一百九

十二丈五尺康熙十七年修築

查邳睢廳署前有撐堤一道長九十八丈係康熙

十七年創築今居民耕集已為街市又自邳睢廳署前起至五工頭止有堤一道又自前堤中間起至戚

字堡月堤頭止有舊

堤一道今俱廢

宋家莊搶修險工一段長九十八丈

自五工頭起經戚字堡至遙堤頭止縷堤長八百四十五

丈康熙十七年修築

戚字堡歲修險工一段長一百一十九丈康熙四十年置
鐵犀於工上以鎮水

戚字堡險工因對岸沙灘日長逼溜頂衝康熙四十年遵
旨取直於南岸開挖引河一道長五百七十丈分殺水勢今已

成河

戚字堡西撐堤一道長七十八丈康熙三十八年創築又
月堤一道長四百四十丈康熙三十八年將舊遙堤改

修

查城字堡東有舊堤一道今廢

自舊遙堤頭起至沈家堂止縷堤長九百五丈康熙十七年創築

自沈家堂起經青墩營姚家莊三官廟至直河口宿遷縣界止縷堤長二千四百五十三丈九尺康熙十九年創築

青墩營搶修險工一段長七十七丈姚家莊歲修險工一段長一百三文三官廟歲修險工一段長二百二十二丈三工相連共長四百六丈

青墩營姚家莊三官廟三工埭臺康熙三十八年雖經修築長三百八十八丈頂僅寬三丈三四尺四十年撥河兵重修新舊頂共寬六丈有餘足資捍禦

青墩營姚家莊三官廟共月堤一道長六百四十丈康熙三十六年創築

附餘 已見運河圖說者不重出

睢寧春秋鄆國地戰國為宋薛地漢睢陵縣屬臨淮郡晉屬蘭陵郡唐改承寧縣屬沂州瑯琊郡宋省入淮陽軍金復置睢陵縣 改陵為寧屬邳州後因之

靈壁漢以前為虹縣地唐零壁鎮宋元祐初置零壁縣
復改零為靈隸宿州明屬鳳陽府今因之

按明嘉靖隆慶中黃河屢決於徐邳之間至正河故道
淤為平陸當時議者每欲棄故道就新衝而總河潘季
馴堅主復故之說惟有築堤束水使不散漫以水攻沙
河身自深經營於百孔千瘡之餘卒有成功焉

宿遷縣黃河事宜

宿遷縣黃河南岸上自睢寧縣交界古堤頭起下至桃源縣交界白洋河鈔關口止計程六十三里七分零北岸自邳州交界起至張莊運口止又自吳家墩起至桃源縣交界止計程共七十八里零

自張莊運口起至矮堤頭止一段係宿桃中河通判管轄自矮

堤頭起至吳家墩止一段係馬陵山放無堤

屬宿虹河務同知管轄其汛四南

岸曰蔡家樓汛陳家道口汛北岸曰欄黃壩汛大古城汛

古堤頭一作谷堆頭

蔡家樓汛

自睢寧縣交界起至徐家灣西張王廟止縷堤長六千三百五十丈康熙三十八年修築

蔡家樓歲修險工一段老堤頭歲修險工一段二工相連共長三百五十丈

彭家堡歲修險工一段長一百四十二丈

蔡家樓墩即廟月堤一道長二百九十五丈老堤頭月堤一道長四百三十九丈彭家堡月堤一道長八百七十五丈俱康熙十八年創築又三工總大月堤一道長二千一百九十六丈五尺三十八年創築

陳家道口汛

自張王廟起至桃源縣交界止續堤長五千一百一十七丈九尺康熙三十八年修築

徐家灣龍門搶修險工一段

徐家灣臨河堤一道長一千二十一丈康熙三十八年修築

陳家道口歲修險工一段舊長九十一丈五尺又坍塌河崖二十五丈共長一百一十六丈五尺

陳家道口月堤一道長九百五十丈康熙三十八年創築

攔黃壩汛

自邳州交界起至張莊運口止縷堤長五千九百一十六丈

自邳州交界起至皂河石礮迤西止縷堤長二千四百八十五丈康熙三十八年修築

朱家莊舊險工一段今河溜南徙堤外沙淤停修

朱家莊月堤一道長五百二十三丈一尺康熙三十六年

修築

皂河攔黃壩西堤一道長二百四十九丈六尺康熙三十

八年修築欄黃壩臨河堤一道長三十六丈五尺三十
六年修築內歲修險工舊長八十四丈五尺新生又七
丈五尺

欄黃壩東堤一道長二百二十九丈三尺五寸康熙三十
六年修築

欄黃壩迤裏欄運河堤一道長三十九丈康熙三十六年
創築

自欄黃壩東堤起至張莊運口止縷堤長三千四百三十
一丈康熙三十八年修築

大古城汛

自宿遷縣西門吳家墩起至桃源縣交界大古城止續堤
長八千一百五十八丈五尺康熙九年創築

蕭家渡舊決口戲堤一段長八十五丈康熙三十六年幫
築

朱家堂舊減水壩基一段長一百一十三丈四尺康熙三
十六年拆壩創築

楊家莊舊決口戲堤一段長七十八丈康熙三十六年幫
築

溫家廟舊減水壩基一段長三百二十七丈五尺康熙三十
十八年修築

河北鎮下灣搶修險工一段

河北鎮下灣挑水壩三道其第一第二道康熙三十六年
築第三道四十年築第二第三段俱搶修

河北鎮險工創堤一段長二百三十六丈八尺康熙三十
六年幫築

河北鎮月堤一道長九百七十八丈八尺三寸康熙三十
八年創築

自卓家莊起至大古城桃源縣交界止縷堤一段長一千六百二十六丈康熙三十六年修築

大古城歲修險工一段長一百一十四丈

宿遷黃河北岸上自張莊運口起下至矮堤頭止計程一十一里五分零屬宿桃中河通判管轄

臨黃縷堤自張莊運口起至駱馬湖口西裏頭止長一千九十一丈五尺又自駱馬湖口東裏頭起至攔馬河砂礮嘴迤上矮堤頭止長九百八十三丈二尺俱康熙三十八年捐工人員承修尚有未完處

駱馬湖口竹絡石壩一座康熙四十年

題准修建現在興工

駱馬湖口迤東臨黃外口險工一段搶修

臨黃外口迤東石閘一座康熙三十九年修建

石閘迤東攔河大壩一道長十六丈康熙三十七年築

歸仁堤事宜

歸仁堤在宿遷縣黃河南十六里始於明嘉靖間所以捍
睢水湖水及黃水使不得南會於淮而又遏睢水湖水使
之并入黃河助其衝刷也歷年堤工廢棄不修致祠堂湖
一帶連決七口盡諸水而注之淮河以為高堰害幸我
皇上審悉形勢知其緊要

詔令興修堤工既完又開引河一道引諸水至桃源老堤頭出
以達於黃又慮黃水消長靡常於歸仁堤建閘三座於老
堤頭建閘二座黃水大則開老堤頭閘開歸仁堤閘以放

水入淮黃水小即閉歸仁堤閘開老堤頭閘以引水刷黃
節宣有制可以垂久遠而無弊矣舊屬宿虹同知管轄今
新開引河在桃源境者屬桃源同知管轄

歸仁集西烏鴉嶺土堤上自虹縣交界起下至歸仁集石
工頭止計長五百九丈康熙三十八年修築

歸仁堤舊石工上自歸仁集起下至五堡格堤頭止計長
三千八十八丈六尺康熙三十八年修砌其內土堤四
十一年重修

五堡迤上雙金門閘三座西曰利仁東曰歸仁中曰安仁

俱康熙三十九年建五堡舊減水壩於二十三年被水衝決四十一年堵塞

歸仁石工東舊堤上自五堡起下至桃源縣交界止長三千七百五十七丈三尺康熙三十九年修築內自五堡迤下起至九龍廟止石工一段長一千一百丈三十九年創砌其下自九龍廟起至桃源縣界止即作新開引河之南岸東水堤

格堤一道自五堡起至便民間止長二千七百二十五丈康熙三十八年修築便民間係十九年建

引河一道自九龍廟起至桃源縣境老堤頭黃河邊止計
長三千七百丈四尺五寸在宿遷境長三百五十七丈
七尺五寸在桃源境長三千三百四十二丈七尺康熙
三十九年桃完

桃源境引河南岸東水堤接宿遷堤起至老堤頭黃河邊
止長一千四百六十二丈康熙三十九年創築

引河北岸東水堤一道自格堤三堡起至桃源縣黃河邊
止計長三千七百七十六丈七尺在宿遷境長六百八
十三丈康熙三十九年創築在桃源境長三千九十三

丈七尺內五百九十五丈係舊堤重修其二千四百九十八丈七尺係創築

宿遷境北岸束水堤內小石湖一座通運料小河之永康
熙四十一年建

桃源境老堤頭出水閘一座曰祥符閘又月河小閘一座
曰五瑞閘俱康熙三十九年建月河一道長九十六丈
九尺三十九年開挖

引河口門束水橫堤長四十丈內草壩一座俱康熙三十
九年建

桃源黃河事宜

桃源縣黃河南岸上自宿遷縣交界白洋河起下至清河縣交界駱家營止計程八十八里零北岸上自宿遷縣交界古城起下至清河縣交界駱家營止計程八十二里零設有桃源河務同知管轄其汛四南岸曰煙墩汛龍窩汛北岸曰九里岡汛磯嘴汛

煙墩汛

臨河堤上自宿遷縣交界白洋河鈔關口起下至舊縷堤止長一千四十一丈康熙十九年創築

查白洋河舊縷堤自宿遷縣界

起至臨河堤頭止長七百六十丈康熙十七年築今廢

自臨河堤頭起至煙墩舊險工東頭止纒堤長七千二百九丈六尺康熙十七年創築內四千四百二十六丈六尺三十六年加幫有未完工處

自半邊店起至熊家莊止纒堤一段長八百三十丈康熙四十年修築

半邊店一名野飯店

煙墩歲修險工一段舊長二百五十八丈康熙四十一年東頭新生險工一百五丈查此工近來對岸沙嘴日長逼溜南射以致加險四十一年閏六月間大水暴至舊

埽衝盡堤土埽却亦幾無餘臣督率河員晝夜搶築不
數日而戢堤成以次下埽畢復幫築埽臺長三百六十
丈又於對岸開引河一道長五百九十二丈以殺水勢
又煙墩迤東舊有護城堤一道長五百七十丈今加幫
高厚又接築六百一丈共長一千一百七十一丈為煙
墩之月堤以資防禦

龍窩汛

自煙墩舊險工東頭起至駱馬營清河縣交界止續堤長
七千七百四丈八尺康熙九年創築內自煙墩舊險工

東頭起至高家灣止三十八年加幫卑薄處自高家灣起至駱家營止四十年加幫卑薄處

張家莊歲修險工一段舊長四百三十丈康熙四十一年又新生險工五十四丈查此工於三十五年七月間漫缺三百五十二丈是年堵塞四十一年閏六月間異漲之水復於張家莊之下顏家莊漫缺八十餘丈至月間堵塞

張家莊北岸顧家灣引河一道長九百二十丈康熙四十年開挖

談家莊歲修險工一段舊長二百七十丈康熙四十一年
又新生險工五十丈

談家莊險工於康熙四十年置鐵犀一座於工上以鎮水
四十一年創築月堤一道長六百一十六丈又加幫埽
工尾縷堤一段長一百二十丈

九里岡汛

自宿遷縣交界起至河北鎮止縷堤長八千一十二丈五
尺康熙三十六年修築

九里岡歲修險工一段長三百三十三丈三尺埽臺長三

百二十八丈康熙三十八年加修查九里岡工三十五年八月間漫缺二百

八十五丈是年
十月內堵塞

崔鎮石壩一座康熙三十二年閉塞

徐昇石壩一座康熙二十五年閉塞

上渡口歲修險工一段長六十丈壩臺長二十八丈四尺

康熙三十八年加修

礮嘴壩汛

自河北鎮起至清河縣交界止縷堤長六千八百二十九丈一尺康熙三十六年修築內馬家莊一段長四百四

十丈三十八年又加幫

七里溝礮壩壩歲修險工一段長五十七丈

支河石壩一座康熙三十二年閉塞

新莊口排椿工一段長一百四十丈康熙二十七年建築

三義石壩一座康熙三十二年閉塞

三岔歲修險工一段舊長一百一十九丈康熙四十一年

又新生險工長二十丈

三岔險工壩臺長二十四丈康熙三十八年加修

清河山陽安東三縣黃河圖說

清河縣黃河北岸上自桃源縣交界駱家營起下至山陽縣交界泗舖溝止南岸上自桃源縣交界吳城起下至山陽縣交界季家淺止山陽縣黃河南岸上自季家淺清河縣交界起下至海口止北岸上自泗舖溝清河縣交界起至安東縣交界顏家河止下又自安東縣交界雲梯關起至海口止安東縣上自北岸顏家河山陽縣交界起下至雲梯關山陽縣交界止三縣黃河南岸共計程二百六十餘里北岸共計程二百四十餘里分屬山清外河山安河

務兩同知管轄

山清外河同知所轄黃河北岸自駱家營起至泗鋪溝止
南岸自吳城起至陳家社迤下止其汛五在北岸曰清河
北岸汛在南岸曰清河南岸汛山陽外河汛山陽上河汛
山陽下河汛

清河北岸汛

自駱家營桃源縣交界起至中河口西岸止縷堤長二千
三百四十丈五尺自中河口東岸起至泗鋪溝山陽縣
交界止縷堤長六千四百六十三丈一尺康熙三十八

年修築三十九年加幫地勢窪下堤身卑薄處龍王廟
黑魚汪一帶五百七十六丈及前工未竣王家營至泗
鋪溝八百六十三丈五尺四十一年又加幫自護縣堤
頭起至玉皇閣埽工止二百二十一丈五尺又玉皇閣
險工卑薄處四百八十五丈

石人溝歲修險工一段長五百丈

玉皇閣歲修險工一段長六百九丈

陶家莊堤外引河一道長七百八十丈康熙三十八年

聖駕南巡親閱水勢恐黃流逼近清口淮水不得暢出

詔開引河引黃北注乃屢圯屢淤至四十年臣復

題請開挖寬深已經告成

護縣堤一道在縣治後自娘娘廟起至龍王廟止長一千
四十二丈八尺康熙二十六年前河臣靳輔開鑿中河
築堤以護縣治四十一年陶莊引河告成水勢附近縣
東縷堤恐致侵害創築撐堤一道於縣治東護縣堤之
內自縷堤起至護縣堤止長二百八十四丈又加幫護
縣堤一段於撐堤之外自撐堤頭起至縷堤止長一百
九十丈以為縣治重門之障

王家營迤西縷堤上舊有減水壩歷久圯廢康熙四十年
重建土壩口寬三十丈壩內挑引河一道以洩黃水異
漲由鹽河入海

清河南岸汛

自吳城桃源縣交界起至張福口橫堤頭止縷堤長三千
五百一十丈康熙三十八年修築未竟四十年重修

張福口橫堤一道自縷堤起至清口西壩止長四百九十
二丈康熙三十七年築清口兩岸東西兩壩俱三十七
年建

陳家莊東挑水新壩一座康熙三十八年

聖駕南巡駐蹕於此相度河勢親定方所

命築壩挑黃水北入陶莊引河不致逼向運口今土人俱稱

御壩四十年設鴈翅一道又清口西壩亦添築鴈翅又自挑水

壩至西壩築順堤長四百八十丈五尺今河溜全趨北

岸淮沅暢出四十一年異漲之水清黃俱順軌而東絕

無壅抑之虞矣

自挑水壩尾起至縷堤止撐堤一道長三百四十六丈康

熙四十一年創築

自陳家庄至挑水壩順水小堰一道係民築

清口東甘羅城堤自甘羅城西南角迤西裏河交界起至

卞家汪工頭止共長一百三十一丈舊椿埽工康熙三十八年修築內卞家汪一段長五十五丈搶修

卞家汪堤自甘羅城北起至天妃壩石工頭止長八十四

丈舊搶舊椿埽工今

題准改建石工康熙四十年置鐵犀一座以鎮水

天妃壩石工三百四十七丈康熙二十九年建砌三十一

年添設雞背壩一座長十丈搶修

石工壩部三
段現今興修

惠濟祠後舊埽工一段自天妃壩尾起至龐家灣止長一百六十二丈康熙三十九年

題准改建石工現在償砌

自龐家灣起至季家灣山陽縣界止續堤長四百六丈五尺康熙三十八年修築

山陽外河汎

自季家灣起至三岔止續堤長一萬一百九十五丈康熙三十八年修築內自張莊至三岔一千四百八丈四十年又加高二尺

王公堤石工一段自海神廟至老壩口長五百九十五丈
明萬曆三年漕督王宗沐捐俸創築以禦河患民為立
碑廟祀號堤曰王公歲久淤墊乃築外趙堤一道長六
百二十丈康熙三十八年加幫護以松埽

老壩口歲修險工一段長一百四十二丈

小車路口歲修險工一段長六十丈

大車路口歲修險工一段長二百五十丈

兩車路口月堤一道長三百三十丈康熙三十七年創築
朱家溝歲修險工一段長一百九十四丈

洪福莊歲修險工一段康熙四十年長六十丈四十一年

又新生三十二丈幫築裹鐵堤長二百丈以資防護

自老壩口至洪福莊五險工相連康熙四十年置鐵犀工

上以鎮水

柴市歲修險工一段長一百九十三丈雖甯壩一座康熙

二十八年築

湯董莊歲修險工一段長二百四十二丈

以上兩險工相連

上張莊歲修險工一段長五百一十九丈

自車路口起至上河汛大茨陵止汰黃堤一道長一萬二

千二百五十九丈八尺康熙三十八年修築

山陽上河汛

自三岔起至葉家營止縷堤長八千八百九十七丈三尺
康熙三十八年修築未竟四十年加幫卑薄處長六千
三百八十四丈一尺

尹家莊歲修險工一段長二百七十丈

韓家莊歲修險工一段長一百六十五丈

尹家莊韓家莊二工相連康熙四十一年築大月堤一道
長八百八十丈又加幫韓家莊埽壘長八十丈

尹韓二工對岸引河一道長六百四十丈又韓莊東引河一道長五百二十丈一以分尹韓二工之水勢一以分安東便益門之水勢俱康熙四十年開挖

新港歲修險工一段長一百五十丈

周家渡歲修險工一段長二百四十丈

唐家堡歲修險工一段長六百六十七丈

小茭陵歲修險工一段長一百四十四丈

小茭陵格堤一道自縷堤起至汰黃堤止長一百八丈康

熙三十六年創築

何家莊歲修險工一段長九十丈

大菱陵歲修險工一段長四百二十六丈

以上五險
工相連

山陽下河汛

自葉家營起至陳家社迤下山安交界止縷堤長一萬三千一十二丈康熙三十六年修築

自上河汛土壩頭起至下河汛童家營止共長三千二百九十三丈又自馬家社起至侍家塢流泉溝止長一千八百四十一丈俱康熙三十八年捐工人員簽釘排椿
胡家莊歲修險工一段長一百六十丈

童家營歲修險工一段長一百七十八丈查此工於康熙三十五年決口至三十六年堵閉大溜衝激於外積水蕩漾於內新堤單弱難恃康熙四十年建月堤一道長六百七十丈於對岸開引河一道長六百二十丈又堤內下埽壓土幫餞以資捍禦

左家口舊險工一段長一百二十丈今堤外沙淤停修自馬家社起至塗州馬頭止排椿工一段長一千八百四十一丈康熙三十八年修建

北沙臨河堤一道民修

陳家社迤下縷堤一段其下有泉水迸出屢築屢陷康熙
四十年於堤外築兩小月堤以護陷處又築大月堤一
道長四百八十丈護小月堤之外

山安河務同知所轄黃河北岸自泗鋪溝起至海口六套
止南岸自陳家社迤下山清外河交界起至海口陸家社
止其汛五在北岸曰安東汛上河汛下河汛北岸汛在南
岸曰南岸汛

查南岸自陸家社窰工尾至海計程五十四
里北岸自六套堤尾至海計程六十九里

安東汛

自泗鋪溝山清外河交界起歷顧家河至安東縣東門止

縷堤長九千一百四十一丈八尺康熙三十六年修築其卑薄殘缺處三十九年又加修

邢家河險工一段計長六百五十丈康熙四十年於埽牛之上加鑲丁柴高四尺又壓土二尺以資捍禦

鄭家馬頭歲修險工一段長一百三十五丈

時家馬頭險工一段歲修新舊共長二百二十九丈八尺又搶修三十五丈查此工於康熙三十六年漫缺周五十餘里民田廬墓盡沒水中至三十九年十一月二十日堵塞缺口建漢壽亭侯廟於上以鎮之四十年又築

磯嘴壩一座

便益門歲修險工一段長三百一十八丈康熙四十年置

鐵犀工上以鎮之

南東兩門歲修險工共長二百五十丈

查安東一邑頻遭水患康熙四年河決茆良口又小決

口數處漂溺廬舍人畜無算九年九月二十六日風雨

大作城關衝決城內水深數丈溺死男婦甚衆十年河

決邢家河口二舖口張駱二口至十七年堵塞

查邢家河等決

口在康熙十年今郡志載十五年者誤三十五年七月初二日中河水溢

由便民塘入城本年居民自行堵塞三十六年六月初
十日河決時家馬頭以致便民塘又開次年六月居民
又自行堵塞前河臣以此非黃河堤岸故置弗理數年
來城中積水地上行每房屋坍塌人民遷徙至四十年
臣設法開放洄出平陸民始復業西北郊外一帶汪洋
今皆得而耕種矣

上河汛

自安東縣東門起至彭家灘止縷堤長八千九百三十三
丈康熙三十六年修築三十九年加幫險要處

汪家莊搶修險工一段長二百五丈康熙四十年建築磯
嘴壩一座長十二丈

二塘搶修險工一段長四十丈

查汪莊二塘兩險工相連康熙三十九年水勢洶湧幾
至漫溢至四十年汪莊西頭建築磯嘴溜開行兩工
稍平所以

題挖汪莊引河一道業經奉

旨允行復

題停止

汪莊二塘月堤一道長五百九十丈康熙三十九年創築
窪灣搶修險工一段康熙三十七年搶修一百四十二丈
三十九年搶修一百五十五丈四十年河身漸深水勢
稍平止搶修挑水壩二丈七尺四十一年異漲之水搶
修一百五十七丈八尺

下河汛

自彭家灘起至雲梯關山陽縣交界止總堤長八千七百
一十一丈五尺四寸康熙三十六年修築三十九年重
修

龍潭口搶修險工一段長五百五十丈查此工內外積水
汪洋風浪盪激最屬險要康熙四十年堤外創建排椿
鑲柴堤裏下埽填土共資防禦

老堤頭歲修險工一段長三十四丈康熙四十年建築礮
嘴壩一座

佃湖搶修險工一段長四十五丈康熙四十年建築礮嘴
壩一座

北岸汛

自雲梯開起至六套止縷堤長八千一百四十二丈五尺

內有康熙三十六年修築卑薄之處又有三十八年捐
工人員領工未經興修之處三十九年俱重修

查雲梯關乃古來黃淮入海故道相傳當年關下即為
海口所以立關設營有守備駐劄其地關以外舟楫所
不及也潮落沙淤滄海漸為桑田於是南北兩岸有各
港各套各渠地方向來關外本無堤前河臣靳輔以關
外一望平灘不分是河是地若不為之一束則雖黃河
全歸故道而大溜到此四散而去究竟無入海之路是
以築此兩岸長堤南岸地勢窪下又多築二千丈然而

沙淤之土時合時開是堤保守之難有未可與他處同年而語者

馬家港

查此港因康熙三十五年前河臣董安國以海口淤淺開挖引河導黃由小河口以入海至三十九年二月間前河臣于成龍委員堵塞是年四月間合龍六月間被水衝開復築未就今大通口寬深河流順軌此港盡淤四十年置鐵犀堤上以鎮之

大通口即舊欄黃壩處康熙三十八年議拆欄黃壩前河

臣僅拆其半至三十九年臣遵

旨盡行拆去即於是年

賜名大通口

淮水由清口經安東出雲梯關以達於海此自夏禹至
今數千年之故道黃河自宋神宗時南徙而與淮合今
亦六百餘年其出海之口廣至數百丈深至數丈非人
力所能為者或因上流不治水緩沙停以致梗塞而遂
欲別尋一道以達於海此必無是理明潘季馴辯之甚
詳而邇來河臣不察誤築攔黃壩欲令河水盡由馬家

港出下流既窄則上流愈益壅遏東衝西決將無已時
幸蒙

皇上宸謨獨運

命盡毀攔黃壩

賜名大通口又

命廣開清口淮水悉出會黃二瀆合流奔騰東注積沙盡滌今

河面寬至二百餘丈即水落亦一百八九十丈深至四

丈五六尺即水落亦三丈五六尺自大通口至惠家港

八灘入海之處俱深三四丈不等自此兩河皆復其故

而淮海之間永慶安瀾矣

柳園頭新生險工一段長二百九十五丈六尺

四套險工一段舊長五十二丈康熙四十年水勢漸平止

修二十五丈四十一年水勢更平停修其

題築月堤一道亦暫停止

南岸汎

自陳家社之下山清外河交界起至陸家社竈工尾止縷
堤長一萬二百六十一丈五尺內有康熙三十六年修
築卑薄之處又有三十八年捐工人員領工未經興修

之處三十九年俱重修

歪枝套堤一段長二千三十五丈九尺康熙四十年加幫
高厚

辛家蕩滾水大壩一座現在興築

陳家莊新生險工

查陳家莊正在大溜頂衝之處窩年各處堤岸漫缺水
勢至此平緩自康熙四十年清黃並下衝刷堤根遂為
危險

西礪險工

查此工即在陳家莊之下水勢頂衝兼以河面窄狹河中突出沙嘴洶湧愈甚康熙四十年加幫外坦堤八十八丈內戲堤三百一十五丈臣又督令官弁挑挖沙嘴及對面河灘舊水面僅寬六十丈今衝刷至一百餘丈矣
掌家港險工

此工在石礪之下康熙四十年七八月間陳家社西礪危急此猶稍緩今西礪河面漸寬大溜直衝掌家港防護更須加謹矣

附餘

吳城去清河縣治南三十里在大河之涯東西有二城
相隔五里宋紹興三年罷楚州吳城縣為鎮自此城廢
甘羅城舊傳秦甘羅築徐節孝以為即淮陰故城水經
注淮水東北經淮陰故城即此相近有韓信城寰宇記
云信封侯築

安東縣漢襄贲昌慮縣也屬東海郡隋為漣水縣唐置
漣州貞觀初州廢以縣屬泗州宋置漣水軍尋廢為縣
屬楚州元為安東州屬淮安路明改縣屬淮安府今因
之